

مجموعه رسائل

ادبی و سیاسی رساله اسبوعیه در

۳۱ نجی سنه

۱۳ جمادی الاخری ۱۳۳۰

پنجشنبه

جلد: ۱۴ - جزو: ۱۴۸

نسیئون

بوکله غالباً (فه مینیست) معناسنه اوله رق استعمال ایدلمشدر . بوندن اون بش
سنه اول بوکا (مستانئون) دیمک ایستیورلردی . چونکه (فه مینیزم) ی بیعنا
اوله رق (استثنا) ايله ترجمه ایتشلردی .

بز بوراده مناقشه لفظیه ده بولنه جق دکلز . ایستر (نسیئون) دیسونلر ،
بکمز لرسه (مستانئون) اطلاق ایلسونلر . ذاتاً اصلی اولان فرانسزجه سی بيله
بونکله افهام ایدلمک ایستیلان معنایه ذره قدر تماس ایتمز . فقط فرانسز ارباب
قلی براز زماندن بری توسیع لسان مقصدیله (نولوژیزم) (۱) مساع ویردکلرندن
(فه مینیزم) (فه مینیست) کله لرینی اصطلاح و استعمال ایتشلردر . حتی لاینججه
(فه مینینوس) دن (فه مینا) لفظنی اشتقاق ایتدیره رک قادین معناسنه تصرف
ایشلردر .

(۱) نه نولوژیزم ، لسانده لزوم اوزرینه یکی کله لر اتخا ذیلله اصطلاح وضعنه دینور .

زده بر حال وارد در که اقوام متمدنه نك هیچ برنده اود در جه سی مشهود دكلدر .
 او حال ایسه (موده) یه اتباعده کی افراطمزد . اون بش یکر می سنه وارد در که
 آمریقادن باشلایه رق اورویاده ، خصوصاً فرانسه ده نسوانك حقوق اجتماعیه
 و سیاسیه جه ارککلرله مساوی طوتلی داعیه سی اساس مسلك ایدنش بر فرقه
 ظهور ایشدر . بوفرقه نك مروجی اولدقلری مسئله حقوقیه نساییه (فمینیزم)
 و کندیلرینه (فمینست) نامی ویرلمکده در .

ایشته بومسئله میدانن چقبوده (موده) شکلی آلالی بزدهده گویا مسلمان
 نسوانك حقوق اجتماعیه و مدنی دن حصه دار اولمیرینه طرفدار گورینور بفرقه
 وجوده کلشدر . حال بوکه اورویا و فرانسه ده بوداعیه نك علت اصلیه سی نه در ؛
 نه دن حادث اولمشدر . و طرفدارلرینك تعقیب و ترویجلرینه سبب نه در . ظن
 ایتیمز که بورالری مطالعه و تدقیق ایدلمش بولنسون . کافیدر که انواع مطبوعات دن
 برابکی غرضه ایله برقاچ رساله موقوتده موضوع بحث اولمش اولسون ! آنلردن
 اقتباس و اتحاده نه محظور متصودر !

فقط غرابت ، بوراده کی فمینستلرله ذات مسئله آرمسند کی ماینتده در .
 بزده کی نسائیون (فمینیزم) ی حقوق اساسیه اجتماعیه و سیاسیه دن تجرید ایله
 آداب و اخلاق متعلقانندن اولان عرف و عاده انتقال ایتدیرمکده در لر . برقادینك
 یچمسی اینجه و چارشنی قیسه اولسنه تعریض و یا آنلری تصویب و تحسین ماده لرینك
 فمینیزمه قطعاً تعلقی اوله مامق لازم کلیر .

سوقاقده ، کندینه لایق کوردیکی ، باقشدیردینی قیسه ، اوزون برچارشفله
 یاخود اینجه قالین بریچه ایله کند ی حالنده کیدن برقادینه تعرض و آتی . لسان
 دشنامی روا کورمرك ، تکدیر ایتك حقنی افراد جماعت دن بر فرد حار دكلدر ، که
 یونی مدافعه مداعیه سیله میدانن جیقانلره (فمینست - نسائیون) نامی ویرله بیاسون .
 صرف کند ی وظیفه ناشناسلغز ، تربیه سز لکمز بزی بر رشحه علی الاطلاق
 منزله سنه اصعاد ایدبور . برقادینك طور و قیافته ، آنك حیثیت و شرفنی اخلاص
 ایدمك الفاظ ایله تعریض و استقاده بولنوروز .

(اسلامده رهبانيت يوقدر) بواصل الاصول شريعته قارشى بز ، هيجز ،
 طوميز برر راهب كسيله رك راست كلديكمزى دين نامنه تعذير وترهيده بي پروا
 اوليورز . مع التأسف بوگا حكومت ده سبب ويرمكده در . تا محمود نديم صدارتندن
 باشلايان برسقيمه ، — هر حادثه ده كندى سيناتى سپر ديانيكستري ايله شكل مندوبده
 تمثيل ايتك ايسيتيان — عبدالحميد دورنده تمامات افطار يه دن اولان (خردل)
 قيلندن ماه روزمك ايكنجى ويا اوچنجى كونلرنده (آداب اسلاميه) نامنه
 غزته لك ساطين مفخرته سرنامه مباحات اولور ؛ و صورتله مذاق ارباب حبيت تظكلام
 ايديلير ايدى . انسانلرده طبيعت ثانيه حكمنى آلان بعض حالات رديشه كبي ،
 بوسقيمه ده ، برالف سيئه حكومت يرني طوتديفندن حالا ايكيده برده — فقط
 اخلاق مليه مزى بك زياده چرك آلود بر صورتده نظر اغيارده تشهير ايتمنده كي
 محذور دوشونديكمزين — برتدير صلاحجويانه كبي اورته يه سوريليور .

§

جناب شهاب الدين بكك ، بو طرز صلاح فرماي رسمي به قارشى غايت ظريفانه
 بر صورتده تمهيد ايتديكي تكلمات ، غريبدر كه جدم محمول اولمش و افراط غبرته
 نسويلك موده منه اقتفا ايند ذاتلري حدتلدير مشدر . بجه جناب شهاب الدين
 بكك طرز انتقادى ، بو كبي مسائل اوزرينه شمعدى به قدر اجاله خامه تعريضده
 بولانلره بروادى نوين ظرافت كشاد ايتمشدر كه نزاهت طبعه مالك اولان هر صاحب
 فكر وقلم اقادى نوين لطيف سايه سنده بك چوق حقيقتلري ، بك آجي برقهقهه
 استهزا دعوت ايدم بيله جك شكله افراغ ايدم بيلير .

وولتر ك معاصر و معارضى اولان مشهور فرره درون : « نسوانى اعزاز ايتلى
 چونكه لايقدرلر . فقط اعظام ايتمالى چونكه خلقة نامستحقدرلر . » ديمش .
 بن فرره درون دكلم . فقط بدن صورارلر سه ديرم كه : نسوان حيات جمعيتك برروح
 باريكيدر . دهها زياده باريك اولمش ايله جمعيت بشريه كسب كال نزاکت ايدر .
 اونوع زيبايه رجالك بعض حقوقى دريغ اولنمليدر ؛ چونكه اق حقوقه

غلیظ و ثقیل بر طاقم وظائفه ترادف ایدرکه ایسته او زمان او روح باریک . بزم
حالت روحیه منزله تکلیف و بناء علیه کسب غلظت ایدر . آرتق او یله بر کیفیت
و کافتی متحمل اولانلرک یاننده بزم ایشمز قالماز .

فهمینیزم مسئله سی

بحث . حاضر (فهمینیزم) . انتقال ایتش ایکن اصحاب مطالعه به آخا دار
بعض ایضاحات اعطاسی فائده دن خالی دگلدر . چونکه بو مسئله اورویا حقوقیونی
آرمسندد الیوم فصل و حل ایدیله مامش مسائل صرہ سسندددر . فرضا بیك
طرفداری وار ایسه یوز بیك ده خلا فیکری واردر . مدعیلرک سند ادعای
نه قدر قوی اولورسه اولسون ، مخالفلرک مسرودات ابطالیلری ده قوتجه آنلردن
دون دگلدر . بز آنلری تشریح ایدم جک دگلز . چونکه او یله بر بحث مطوله
مجموعه من متحمل دگلدر . یالکیز اورویاده (فهمینیزم) داعیه سنی احداث ایدن
اسباب ایله بزده بویله برداعیه نك حدوث و لزومنه احتیاج اولمندیغی ارا نه ایدم جکر .
یگر می سنه دن بری اقوام غریبه متفکرین نسوانی آرمسندد بر دعوی حکم
سورمکده در . که اوده : - نسوانک . کافه نقاط حقوقیده ارککلر لرله مساوات
کامله حالنده بولملرینی ادعا و طلبدن عبارتدر - چونکه اورویا اقوامنده رجالک
حاضر اولدینی حقوقدن بر چوغی نسواندن دریغ اولنمشدر .

خلاصه الخلاصه صورتیله بو داعیه نك علل اصلیه سنی تصویر ایدم :

اورویاده برقادین بعدالازدواج . اگر نگاه مقاوله نامه سسندددرج و تصریح
اولنمالمش ایسه مالی ایستدیکي وجهله تصرف ایدم مز ، یعنی حانه پدردن کتیر -
دیکی اموال و اشیا یی و یا پدر والده سندن علی طریق الارث کندینه انتقال ایلش
اولان املاکی صامه مز . زوجی بوللری ایستدیکي کبی اداره ایدر . نصل آرزو
ایلرسه او یله جه استعمال و استفاده به صلاحیتداردر . عادتاً کندی مال و ملکی
کبی در .

بزده ایسه ذات الزوج بر قادین کرک پدرینک خانه سندن کتیردیکی ، کرک ابویندن توارث ایلدیکی نقود و اموالی جانی نصل ایسترسه او یله جه استعمال و تصرف ایدر . نه زوجنک رأی و رضاسنی استحصاله مجبوردر ، نه ده زوجنک مداخله به صلاحیتی واردر .

اوروبالی بر قادین ، النده بولنان یارینی قوجه سنک اذنی اولمق سزین مثلاً (امنیت صندوقه) تودیع و استرداد ایده مز .

بر مسلمان قادین ایسه النده بولنان یارینی هر نه زمان ، کیمی ایسترسه ، و نرینی آرزو ایدرسه تسلیم و تودیعده شرعاً مختاردر . بونی مانع بر فقره قانونیده یوقدر . (جنت ، سفه کبی حالات بالطبع بمختزدن خارجدر) .

اوروبالی بر قادینک ، مثلاً چاشیر بیقماقله ، و یا دیکش دیکمکله ، حاصلی صرف مساعی ایله قزاندینی بش اون فراتی . اگر ایسترسه قوجه سی لندن آلیر . شاید قادین مخالفت ایده جک اولسه قانون آنک اعطاسنی امر ایدر .

بزده ایسه برزوجه کد یمیله قزاندینی یارینی زوجنه ویرمک ، حتی کوسترمک مجبور یتنده بولمق شو یله طورسون ، مثلاً زوج چارشیدم یشمش یمک و یا دیکلمش کوملک صانعله تأمین معیشت ایدر بر آدم اولسه ده زوجنه سنه سو قاقده صانه جفی یمکی یشیرتسه و یا خود کوملکی دیکدیرتسه ، بو ایشلری آخر برینه کور دیرمک مجبور یتنده بولندینی زمان قاج غروش اجرت طباحت و خیاطت ویرمسی لازم گلیرسه آنی عیناً زوجنه سنه تأدیه به مجبوردر و قانون شرع عندنده مدیوندر . اگر ویرمز ایسه زوجه اقامه دعوی ایدر ، و حاکم شرع دخی تأدیه سنی حکم ایلر . زوج تعند ایدرسه حاکم حبسنی امر ایلر ، و بومدت حبسنده دخی زوجنه سنک نفقه سی زوجنک اوزرینه بورچدر . و البته تأدیه به مجبوردر . مگر زوجه رضاسیله حقندن فارغ اوله .

بونلر نسوانک حقوق مدنیه سندن اولدیغندن ، هر صورته استعمالده صلاحیتی مسلمدر . ایشته شریعت اسلامییه هر شخص کبی نسوانک دخی بو کبی حقوقنی

محافظه ایلمش اولدینی حالدہ اورویا قانوندری نسواندن بو حقی دریغ ایتمشدرد .
حال بویله ایکن اورویاایلر بزدمکی نسوانک عادتاً اسیر کبی هر درلو حقوقدن محروم
اولدقلرینه قائلدرلر .

§

برازده حقوق سیاسیه جه اولان موقعلرینی مقایسه ایدلم :

اورویاده ذات الزوج و یا آزاده بر قادین مثلاً فن طب تحصیل ایتسه و طب
مکتبندن برده دوقوره استحصا ایتسه حکومت او قادینه اجرای طبابت ایچون
رخصت ویرمز . و شاید حکومتک رخصتی اولمقسزین او قادین طبابت ایلجهک
اولسه قانون آتی منع ایدر . (بومسئله فرانسه ده تمامیله حل اولغامشدر . بعض
مؤسسات مستثنا اولق اوزره قادینلر سلمه السلام طبابت ایدمییورلر . ابلک
بچندن خارجدر .)

بر مسلمان قادینی بر طبییه لازم اولان فنونی تحصیل ایتمش بولنسه ده اصولاً
او فنک علماسی نزدند حذاقنی اثبات ایتسه ، طبابت ایتمسنه منع شرعی شویله
طورسون اگر بر قصبه ده ارکک اوله رق اوچ طیب جاهل بولنمش اولوبده قادینک
حذاقنی مثبت بولنسه ، شریعت او اوچ جاهل طبیی اجرای طبابتدن منع ایله
حق طبابتی او قادینه حصر ایلر .

اورویاده بر قادین علوم حقوقیه مکتبندن تحصیل ایدوبده دوقوره دینلان
علامه شهادتنامه سی احراز ایتسه بر محکمه ده بر شخصه وکالة مدافعه یه گیرمز .
چونکه قانونده بر قادینک اووقاتلق ایتمسنه دائر صراحت یوقدر . (بوماده
درت بش سنه علی الدوام بر چوق مناقشات موجب اولدینی حالدہ نهایت بعض
استثنائات ایله قبول ایدلمشدر .)

بر مسئله ایسه مکتب حقوقده دکل ، حتی کندی سعی و اقدامیله ، کندی
خانمسنده اربابندن مسائل حقوقیه و احکام فقهیه یی تحصیل ایتسه و بو علومده کی
قدرتی ینه اربابی نزدند ایدیله جک امتحان ایله اثبات ایلسه هر خصوصده ،

هر دعواده کیمه ایسترسه وکالت ایدمه بیسلیر . آکا شرع ممانعت ایتمدکنن ماعدا
جاهل بر وکیل ذکوره ترجیحاً ترویج وکالت ایلر .

اورویاده بر قادین بر دارالفنونه علوم حقوقیه نی تحصیل ایدوبده چیققدن
صکره ینه بر دارالفنونه علوم حقوقیه تدریسی ایچون معلمه لکه طالب اولسه .
آکا بوحق تدریس اعطا اولنه ماز .

حال بوکه بر مسلمان قادین تدریس علوم عالییه انبات اقتدار ایلسمده مدارس
عالیه دن برنده بر معلمه ک طلب ایلسمه آکا شریعت اسلامیه مساعده ایلر .
ته کیم ۱۴ عصردن بری ممالک اسلامیه ننگ بک چوغنده حدیث و فقه و اصول
حدیث ، اصول فقه تدریس ایتمش نسوان و بونلرک رحله تدریسندن اجازت
آلمش و صکره فضل و کمال ایله اشتهار ایلش رجال بنام کورلمشدر .

نه حاجت ، فقیه لک مرتبه کالی دیمک اولان مفتیلکی بیله احراز ایدرک
صوریلان مسأله فتوی ویرمش مسلمله کلشدرکه آنردن بری ده فاطمه الفقیهیه در .^(۱)

(۱) مشاهیر قشادن علاءالدین سمرقندینک قزیدر . کندیسیده پدیری کی قشاهله مشهور
ایدی . عصرینک اذکیای علماسندن علاءالدین کاشانی ایله تزوج ایتمشدر . بو علاءالدین ،
مقدما قائم پدیری علاءالدین سمرقندینک (تحفه الفقها) نامنده کی تألیفی شرح ایتمشدی .
بونک اوزرینه قزینی کاشانی یه ویرمشدر . بناء علیه ایکی فقیه ایله بر قشیه بو وجهله کاشانده
برخانه ده جمع اوله رق خلقه فتوی ویررلر ایدی .

فاطمه ، قشاهتیه برابر افراط ذکاوتلده مجبول اولدیفندن زوجی ، اکثر مسائل
معضله ده کی شبهاتی موی الیه ننگ دلالتیه حل ایدردی . قائم پدیرینک وفاتندن صکره
زوجه سیله برابر حلبه هجرت ایلدیلر . حلبه ایه اوتاریخده ملک عادل نورالدین شهید پادشاه
اولغله قشیه و قشیه اولان زوجینک قدومندن فوق الغایه سرور اولمش و رفاهیت واستراحتلری
اسبابی مبذولاً احضار ایلشدر .

بزم (افطاریه) دیدیکمز رجل و سائر ایله تبسیلر دوناده رق قشایه افطار ترتیب ایتمکی
مشارالیه ایجاد ایتمشدر . واندن صکره عالم سلامده (افطاریه) عادت اولوب قالمشدر .
مشارالیه آلتنجی عصره بری اوخرنده حلبه وفات ایلشدر .

قضاء نساء

شعرانی (میزان) اسمندہ کی تالیف ننگ قاضیلق فصلندہ دیرکہ :

« امامز نمان بن ثابت حدود و جراحدن بشقہ مصالحہ ۱) قادیلرک جواز قضاسنہ قائل اولمشدر . »

(محمد بن جریر کبی بعض ائمہ ایسہ ہیج براستنا قبول ایتیمکسزین ہر مسئلہدہ نسوانہ حق قضا اعطا ایلشدرد . زیرا اسلامدہ فصل دعاوی : (امر بالمعروف ونہی عن المنکر) باینہ ملحق اولہرق . معروفی امر و منکری نہی ایتیمکدہ ذکور و اناث مساویدر . چونکہ نظر شریعتدہ شایان اعتبار اولان جہت حکمدر . حاکم دکلدر . بناءً علیہ قادیلر اولان حاکمک حکمی حقہ توافق ایتدکدن صکرہ . حاکمک قادیلر اولمی حکمی ابطال ایتمز . بطلانی ظاہر اولان بر حکم ، حاکمک ارکک اولمی ایلہ حق باطل اولہمیہجنی کبی)

ایستہ اروپا نسوانی ، واضع قوانین طرفندن کنیدیلرندن دریغ اولنمش اولان بوحقی . دہا طوغریسی انسان اولدقلری حیثیتلہ فطرۃً حائز اولدقلری بوکبی سائر بر جوق حقوقدن استفادہی طلب وادعا ایتیمکدہدرلر . بناءً علیہ بویولدمہ کی مطالبائی (فہمینیزم) تعیر اصطلاحیسی شامل اولدینی کبی . بوادعا طرفدارلرینہ ویا مروجلریندہ (فہمینیسٹ) نامی ویرلمکدہدر .

فہمینیزمک تاریخی

قادیلرک حقوق نقطۂ نظرندن ارککلرلہ مساوات کاملہ حالندہ بولنمسی فکری اوروپادہ الٰہ اول فرانسزلر میدانہ قویدیلر ، اون سکزنجی عصرک نہایتہ طوغری (۱۷۹۳) سنہسندہ بو مدعاہیہ پیشوالق ایدنلر مشاہیردن (سیئہز) ایلہ (قوندورسہ) در .

(سیئہز ابتدای نشانندہ رهبان طریقنہ سالک اولمش ایسہدہ حد ذاتندہ حرالوجدان بر آدم اولمی اقمسلکدہ دوامہ مساغ ویرمدیکندن ، مسلک رهبانیتی) تأدیپ ایچون حد اورلمی لازم کلان خصوصات ایلہ مجروح اولمش آدملرہ متعلق مصلحتلر .

ترك ايتمش و تحصيل سايه سنده حاز اولديني علم و عرفانيه قومنگ خصوصات اجتماعيه و سياسي سنه عائد مسائله حصر خدمت ايتلشدر .

قوندورسه دخي بر اديب صاحب نشریات اوله رق ، علوم رياضيده دخي کمال ايله مشهور ایدی . بوده سيته ز کبی مجلس قوانین اعضا سندنذر .

ايسته بو ايکی ذات ، نسواننگ کندیلرندن دريغ ايدلمش اولان حقوق مدنيه و سياسي لرینی کندیلرینه ویرمک ایچون اڭ اؤل تشبته بولندیلر . فقط اسماع مرهم ایدمه مدیلر .

فرانسز نسواننگ ، فرانسه قوانین مجلسندن استحصا لانه موفق اولدقلری حقوق پک جز ویدر .

بونک برنجیسی : (امنیت صندوقلرینه یاره تودیعی) حقنی مشروطاً استحصالدن عبارتدر . یعنی ذات الزوج بر قادین قوجه سی مخالفت ایتمدیکی حالده یاره سنی بالذات صندوقه تودیعی و ایستدیکی زمان صندوقدن استرداد ایدمه بیله جکدر .

شایان دقتدر که زوجی اذن ویرمیچه یاره سنی ینه صندوقه ویرمه یه جک . او حالده نه یاپه جق ؟ زوجنگ اله تسلیم ايله . یعنی کیفنه ترك ایلده جک .

ایکنجیسی : (سه یاره دوقور) حالده بولنان ، یعنی زوجیله بر لکده یشامقدن افتراق قانونی ايله مفترق بولنان زوجیه ثروت ذاتیه سنی ایستدیکی کبی استمهال ایدمه بیله جک .

بونده ده دقت ایدمه جک بر جهت وار : بو حقنی استحصالدن اؤل زوجیه بعض اسباب و معذرت ايله زوجندن قانوناً افتراق ایتمدیکی حالده دخي ثروت ذاتیه سنی زوجنگ الندن قورتارمه ماز ایدی . حتی بعض حریص ثروت و مکب سفاهت اولان قوجه لر ، مجرد قاریسنک ثروت ذاتیه سنی کیف مایشا تصرف ایتمک ایچون زوجیه سنی اورته دن قالدیرمق ایستر . بناء علیه قادینی مجبور افتراق ایدمه جک صورتده ایذا ایلر ایدی .

اوچنجیسی : مساوات محرر لکندن مصدق بیان نامه لرده شهادتلی قبول اولتمق .

ایشته زواللی فرانسز نسوانسک استحصانه موفق اولدقلری حقوق مدنیه بونلدر .

§

حقوق مدنیه نقطه نظرندن (فهنیست) لر مواد آتییه ده طلب ایدیلر :
برنجی : کندی اولادندن ماعدا آخرک اولادینه دخی وصی تعیین اولنه یلک .
(شریعت . اوصاف وصایتی حائز برقادینی کرک کندی ، کرک آخرک اولادینه وصی نصب ایدر)
ایکنجی : ذات الزوج اولان برقادین ثمره سعی و اشتغالی احرارانه و بلا مزاحم استعمال ایلنه یلک .

اوجنجی : (سه پاره دو قور) صورتیه آیرلمش قادینه اعطا اولنمش اولان حقوقی (سه پاره دو بیئن) اولان قادینه ده شامل قیلق .
(سه پاره دو بیئن) دیمک ، برقادین قوجه سینک اوند ، یعنی زوجیه برابر یشادینی حالد ثروت ذاتیه سی قوجه سینک اموالندن آیرمق دیمکدر ، بوده حین ازدواجده مقاوله نامه نکاحه درج اولنماش ایسه مؤخر آ قادینک استمداسی اوزرینه قانوناً مساعد اولور . مثلاً قادینک قوجه سی قسار باز اولمق و یا خود سقاھتله مالوف بولنمق کبی نتیجه سی افلاس اولان حاللرده قادین کندی اموالی اولسون تهلکدن قورنارمق اوزره ، قانوندن استمداد ایدر . فقط ینه قوجه سینک رأی و موافقتی منضم اولدقجه مالندن بر آچقک شی و املا کندن بر قاریش یرصا ناماز .
دردنجی : انکلتزده جاری اولدینی اوزره موافقت طرفین ایله قسغ نکاح .
بشنجی : (قونسه ی پرودوم) ، اعضا انتخاب ایتمکله برابر بالذات انتخاب اولنه یلک حق .

(قونسه ی پرودوم ، عمله ایله ، عمله استخدام ایدن فابریقه صاحب لری آرمسندمه ظهور ایدن منازعه لری فصل وحسم ایچون اعضاسی انتخاب ایله تشکیل اولنان مجلسلردرکه اوائلده بزده کی اصناف (لونجه) لری بوقیلدن ایدی .)

§

انڪلتر ۾ ده

انڪلڙ نسواننڪ مطالبات حقوقيه يه تشبثلري فرانسهدن صكره ۱۸۳۲ سنه سنده در، كه مادام (مري تيمس) طرفدن ادعا و طلب اولمخسدر . لکن استحصال ابتدڪلري حقوق ، فرانسز نسوانه ابدال اولنان حقوق ايله نسبت قبول اتيه جك مرته ده عظيمدر .

۱۸۶۷ ده مشهور (استوارت ميل) نسواننڪ حق انتخابه مالڪيتني طلب ايتمش ايدى . (فمينيست) لر بونك اوزرينه مطالبات واقعه يي استحصال ايدنجيه قدر تشبثانده بولنق اوزره (برهم روز لينغ) اسمنده بر جمعيت تشكيل ايديلر .

بو جمعيت محافظه كار فرقه سنه منسوب اولديقتدن سربستي فرقه سنڪ رقابتنى جلب ايلشدى . بناءً عليه كسر نفوذلى مقصديله ۱۸۶۹ ده مادام غلادستونك رياستى آلتنده بونلر خلافيكر اولق اوزره بر جمعيت تشكيل ايدلمشدر .

سياسةً انڪلڙ (فمينيست) لرى اقولا اداره مجلسرينه و بلدييه اعضا انتخاب ايتك حقنى ، ثانياً عوام قارمه سنه مبعوث انتخابى اساسنى (يعنى ذات الزوج بولنميان و ويركو ورن نسوان انتخاب ايدم بيلرلر حقنى) قزانديلر .

مانش دگزنده ڪئن (مان) و (گرنه زه) آطه لرنده كى قادينلر عمومأ بو آطه لرك پارلمنتولرينه اعضا انتخاب ايدم بيلرلر .

حقوق مدنيه جه انڪلڙ نسوانى ، اقولا ثروتلرينى و قزانجلىرينى استعمال حقنى ، ثانياً محاكمه مدافعه حقوق صلاحيتنى و زوجلرينك مساعده سنه حاجت گورمڪسزبن صنايع و تجارتله اشتغال ايدم يلك حريتنى ، ثالثاً اولاد آخره وصايتى ، رابعاً مڪتبلك مجالس مخصوصه سنه انتخاب ايتك و ايدملك و محتاجينه مخصوص امانات مفتشلكنى احراز ايتك حقلىرى استحصال ايلشدر .

شمدي ده (سوفرمه تلى) ك تشبثانى حقوق انتخابيه لرينى لايق اولدينى وجهله توسيعه تايمين موفقيت ايدم جكدرد .

آمریقاده فہمینیزم

۱۸۶۹ دە فہمینیزم مسئلہ سی بردن برہ میدانہ چیقمقلہ برابر اورتبہ توسع و انتشار ایلدی، کہ برسنہ ظرفندہ ایکیشر، اوچر بیک اعضالی ایکی جمعیت تشکل ایتدی . (مؤخرأ بوجعیتر ۱۸۹۰ دە «آمریقا نسواننک حقوق انتخابیہ جمعیتی» نامیلہ بیوک برجمیتہ قلب ایدلمشدر .)

آمریقالی نسوان ، محاکمک عمومندہ دعوی وکالتی درعہدہ ایدہ بیلرلر .

(قانزاس) (میسوری) (قولومیا) ایللرنندہ (صلح حاکمکی) وظیفہلرینی ایفا ایلرلر .

ابوالضیا

